

HOOLEA, HOOMANA, HOOMAIKAI

E ka Haku, ko makou Haku, nani ka nani o
kou inoa ma ka honua a pau! ka mea i
hoonoho i kou nani maluna o na lani.

Halelu 8:1

Ua pono no oe, e ka Haku, ke loa ia oe ka
nani, a me ka mahalo, a me ka mana;

Hoikeana 4:11

I ka wa e hoonani aku ai oukou i ka Haku,
e hookiekie aku ia ia e like me ko oukou
hiki; no ka mea, e oi loa aku ana no ia:
a i ka wa e hookiekie aku ai oukou ia ia,
e haawi aku i ko oukou ikaika a pau,
mai luhi; no ka mea, aole hiki ia oukou
ke hele i kahi loihi. Eklesia 43:30

‘O lēhova nō ko‘u ikaika a me ko‘u mele, a ua lilo ia i mea e ola ai no‘u: ‘o ia ko‘u Akua, a na‘u nō e ho‘omākaukau i hale nona; ke Akua o ko'u makuakane, a e hookiekie au ia ia. Exodo 15:2

E ka Haku, ‘o ‘oe nō ko‘u Akua; E hookiekie au ia oe, e halelu aku au i kou inoa; no ka mea, ua hana ‘oe i nā mea kupanaha; O kou mau manao o ka wa kahiko, he oiaio, he oiaio. Isaia 25:1

Ke ‘ī mai nei ‘o lēhova penei, Mai kaena ka mea na‘auao i kona akamai, ‘a‘ole ho‘i e kaena ke kanaka ikaika i kona ikaika, mai kaena ka mea waiwai i kona waiwai. Aka, o ka mea e kaena ana, e kaena oia i keia, i kona hoomaopopo ana, a i kona ike ana ia'u, owau no ka Haku, ka mea i hana i ke aloha, a me ka hoopono, a me ka pololei ma ka honua; Ieremia 9:23-24

A i ka pau ana o na la, owau, o Nebukaneza, lea ae la ko'u mau maka i ka lani, a hoi mai ko'u naauao ia'u, a hoomaikai aku au i ka Mea Kiekie loa, a hoonani aku au a hoonani aku i ka mea e ola mau loa ana, o kona aupuni he aupuni mau loa ia, ke aupuni mai keia hanauna a ia hanauna aku. Ua manaoia he mea ole na kanaka a pau o ka honua, a hana no ia e like me kona makemake iloko o na puali o ka lani, a iwaena o ka poe e noho la ma ka honua; Ano, owau o Nebukaneza, ke hoomaikai aku nei au, a e hookiekie, a e hoonani aku i ke Alii o ka lani; Daniela 4:34-37

No ia mea, ua ho‘oki‘eki‘e loa ke Akua iā ia, a hā‘awi iā ia i ka inoa ma luna o nā inoa a pau. I kukuli iho na kuli a pau ma ka inoa o Iesu, o na mea o ka lani, a me na mea o ka honua, a me na mea malalo o ka honua; A i hooiaio aku na elelo a pau, o Iesu Kristo ka Haku, i mea e nani ai ke Akua ka Makua. Pilipi 2:9-11

E hoomanao na welau a pau o ka honua, a e huli mai ia lehova; No ka mea, no ka Haku ke aupuni, a 'o ia ke kia'āina i waena o nā lāhui kanaka. Halelu 22:27-28

E haawi aku i ka Haku, e ka poe mana, e haawi aku i ka Haku i ka nani a me ka ikaika. E hā'awi aku iā lēhova i ka nani o kona inoa; e hoomana i ka Haku ma ka nani o ka hemolele. Halelu 29:1-2

I mea e hoolea aku ai ko'u nani ia oe, aole e noho malie. E ka Haku ko'u Akua, e hoolea aku au ia oe a mau loa aku. Halelu 30:12

E ho'omaika'i aku au iā lēhova i nā manawa a pau: Ma ko' u waha mau nō kona ho'omaika'i 'ana. E kaena ko'u uhane ia lehova: E lohe ka poe haahaa, a e olioli. E hoonani pu ia lehova me au, a e hapai pu kakou i kona inoa. Ua 'imi au iā lēhova, a ho'olohe mai 'o ia ia'u, a ho'ōla mai ia'u i ko'u mau maka'u a pau. Halelu 34:1-4

E hooho olioli i ke Akua, e na aina a pau. E mele aku i ka nani o kona inoa: E hoonani i kona halelu. E olelo aku oe i ke Akua, Nani kou weliweli i kau hana ana! Ma ka nui o kou mana e ho'okauwā aku ai kou po'e 'enemi iā 'oe. E hoomana aku ka honua a pau ia oe, a e oli aku ia oe; e mele lakou i kou inoa. Selah. Halelu 66:1-4

E oli aku i ke Akua, e hoolea aku i kona inoa; He makua no ka poe makua ole, he lunakanawai no na wahinekanemake, oia ke Akua ma kona wahi hoano. Halelu 68:4-5

E halelu aku au i ka inoa o ke Akua me ke mele, A e hoonani aku au ia ia me ka hoomaikai aku. Halelu 69:30

E hele mai na lahuikanaka a pau au i hana'i, a e hoomana imua ou, e ka Haku; a e hoonani aku i kou inoa. No ka mea, ua nui 'oe, a ua hana 'oe i nā mea kupanaha: 'o 'oe wale nō ke Akua. Halelu 86:9-10

E hele mai, e hoomana kakou, a e kulou iho: E kukuli kakou imua o lehova nana kakou i hana. Halelu 95:6

E haawi aku i ka Haku, e na ohana o na kanaka, e haawi aku i ka Haku i ka nani a me ka ikaika. E hā'awi aku iā lēhova i ka nani o kona inoa: E lawe mai i ka mōhai, a e hele mai i kona pā hale. E hoomana aku ia lehova ma ka nani o ka hemolele: E makau aku imua ona, e ka honua a pau. Halelu 96:7-9

E ho'oki'eki'e 'oukou iā lēhova i ko kākou Akua, a e ho'omana ma kona ke'ehana wāwae; no ka mea, ua hemolele ia. Halelu 99:5

'O 'oe nō ko'u Akua, e ho'omaika'i aku au iā 'oe: 'o 'oe ko'u Akua, e ho'oki'eki'e aku au iā 'oe. E mililani aku i ka Haku; no ka mea, ua maikai ia: ua mau loa kona aloha. Halelu 118:28-29

E hoomana aku au i kou luakini hoano, A e hoolea aku au i kou inoa no kou lokomaikai a me kou oiaio: No ka mea, ua hoonui oe i kau olelo maluna o kou inoa a pau. Halelu 138:2

E ho'omaika'i aku au iā 'oe, e ko'u Akua, e ke ali'i; a e hoomaikai aku au i kou inoa ia ao aku ia ao aku.

E hoomaikai aku au ia oe i na la a pau; A e hoolea aku au i kou inoa ia ao aku ia ao aku. Nui ka Haku, a e ho'omaika'i nui 'ia; 'a'ole hiki ke 'imi 'ia kona nui. Halelu 145:1-3

E halelu aku oukou ia lehova. E halelu aku ia lehova, e kuu uhane. I ko'u ola ana, e halelu aku au ia lehova: E hoolea aku au i ko'u Akua i ko'u ola ana. Halelu 146:1-2

E halelu aku na mea hanu a pau ia lehova. E halelu aku oukou ia lehova. Halelu 150:6